



State of Wisconsin
Department of Health Services

Tony Evers, Governor
Kirsten L. Johnson, Secretary

Rau Kev Tshaj Xov Xwm Tam Sim
Lub peb hlis 18, 2024

Mus cuag: Jennifer Miller/Elizabeth Goodsitt
608-266-1683

Community Health Worker (Tus Neeg Ua Hauj Lwm Txog Fab Kev Noj Qab Haus Huv Hauv Lub Zej Zog) Tsom Kwm Rau Kev Noj Qab Haus Huv Fab Hlwb Kev Xav Rau Haiv Neeg Hmoob

Li ntau tshaj kaum lub xyoo lawm, CherPao Vang tau ua hauj lwm rau ntawm lub koom haum uas tsis muaj nyiaj paj ntsig, uas nws tau muab kev pab cuam tam li yog ib tug kws txhais lus rau Hmoob lub zej zog. Thaum nws muaj kev lom zem nrog nws txoj hauj lwm, nws tau pom txog nws tus kheej tias xav los pab nws lub zej zog hauv theem tob dua thiab muab paj ntsig tau ntau dua rau. Nws qhov kev nyiam ua thiab txhawb kom los pab lwm tus tau ua rau CherPao dhau los mus ua community health worker (tus neeg ua hauj lwm txog fab kev noj qab haus huv hauv lub zej zog) (CHW).

CHWs yog cov neeg uas muaj kev nkag siab zoo txog lub zej zog uas lawv muab kev pab cuam, feem ntau los ntawm kev mus ua neej nyob rau hauv lub zej zog thiab/los sis faib qhia txog haiv neeg, hom lus, cov kev paub fab kab lis kev cai los sis lub neej, thiab/los sis qhov txheej xwm fab kev khwv noj khwv haus-zej toom. Lawv lub hauv paus keeb kwm hauv lub zej zog ua rau CHWs los ua hauj lwm tam li yog cov kws pab tswv yim uas muaj kev ntseeg siab tau uas txuas cov tib neeg mus rau cov kev pab cuam kev noj qab haus huv thiab fab zej toom uas muaj feem sib cuam tshuam uas lawv yuav tsis paub tias yog lwm yam. CHWs hauv Wisconsin tam sim no tau txais kev ntiav tuaj ua hauj lwm nyob hauv ntau qhov chaw, suav nrog cov koom haum txum nyob rau hauv zej zos, feem saib xyuas kev noj qab haus huv rau pej xeem hauv lub zej zos thiab pab pawg neeg, cov lab npaav saib xyuas kev noj qab haus huv, cov tsev kawm ntawy, thiab cov chaw kuaj mob. Ntau cov lab npaav kev noj qab haus huv hauv Wisconsin thiab cov phiaj xwm kho mob ua hauj lwm nrog cov neeg koom tes hauv zej zog hauv kev txhawb nqa CHW cov kev pab cuam.

“Tam li yog tus CHW koj tsis yog [tsuas yog] tus kws txhais lus xwb, koj tsis yog ib tus neeg twg uas yuav ua qee yam rau lub koom haum los sis tus kws kho mob, tab sis koj pab txhawb nqa txog kev sawv cev ntawm tus neeg thov kev pab uas xav tau kev pab,” CherPao hais. “Thiab vim li ntawd kuv lub luag hauj lwm thiaj li yog, los pab tshawb nrhiav lub lab npaav kev noj qab haus huv los sis kev pab cuam zej toom twg los sis kev xav tau uas lawv muaj. Tiag lawm koj tuaj yeem tham nrog cov neeg, kom paub txog cov neeg hauv kev nkag siab txog cov teeb meem ntiag tug kom tob zog qub thiab tsim kev ntseeg siab txog lawv cov neeg thov kev pab thiab pab kom lawv ntseeg koj, txog yam uas koj tuaj yeem ua tau los pab lawv. Qhov ntawd yog qhov uas zoo heev.”

Raws li CherPao hais, ib qho ntawm cov teeb meem loj tshaj plaws uas muaj nyob hauv Hmoob lub zej zog tam sim no yog kev noj qab haus huv ntsig txog kev puas siab puas ntsws. Cov tswv cuab ntawm

lub zej zog tab tom tawm tsam txog cov teeb meem kev noj qab haus huv fab kev puas siab puas ntsws uas tshwm sim los ntawm cov kev txhawj xeeb hais txog lawv cov me nyuam, cov nyiaj txiag, thiab vaj tse nyob. Tam li yog ib tug CHW, CherPao muaj peev xwm los pab tshem tawm qee yam ntawm lawv cov kev txhawj xeeb los ntawm kev tuaj mus ntsib lawv ib leeg-rau-ib leeg kom paub txog lawv tus kheej kom sib swm, ces txuas lawv mus rau cov koom haum los sis cov chaw muab kev pab cuam uas muab kev txhawb nqa txog (cov) qhov teeb meem uas lawv tab tom ntsib ntawd.

CherPao yog ib tug ntawm qee cov CHW thoob plaws lub xeev uas yuav muab hais txog hauv cov yeeb yaj kiab tshiab los ntawm Wisconsin Department of Health Services (Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv) uas muab kev kawm hais txog ntau cov hauv kev uas cov CHW pab lawv cov neeg thov kev pab thiab tsim kev ua hauj lwm tau zoo hauv lub lab npaav kev saib xyuas kho mob rau fab kev noj qab haus huv. Cov yeeb yaj kiab thiab lwm yam xov xwm yuav tsim muaj kev paub hais txog cov CHW uas tau qhib rau hauv Lub Peb Hlis Ntuj thiab yuav tso mus kom txog rau Lub Yim Hlis Ntuj 2024.

Tam li yog ib tug tswv cuab ntawm Hmoob lub zej zog, CherPao muaj peev xwm los tsim kev sib txuas lus thiab theem kev ntseeg siab nrog lub zej zog uas nws muab kev pab cuam rau uas feem ntau nyuaj zog yuav ua tau tiav tam li yog ib tug kws muab kev pab cuam saib xyuas kev noj qab haus huv li ib txwm. Nws txoj kev nkag siab uas tsis thooj leej twg txog Hmoob lub zej zog yog qhov tseem ceeb tshwj xeeb mas yog thaum hais txog kev pab nws cov neeg qhua sim los nrhiav qhov chaw muab kev pab cuam kom haum.

“Lawv muaj peev xwm nrhiav tau cov chaw muab kev pab cuam hauv lwm cov chaw tau ib yam. Tab sis tsuas yog tias lawv yuav tsum muaj cov neeg ua hauj lwm uas hais tau ob hom lus, yog tsis li ntawd lawv yuav tuaj ntsib kuv. Kuv hais tau tias li xya caum-tsis feem pua ntawm txhua zaug yog tias lawv hu tuaj los sis yog tias lawv tau txais ib tsab xov tooj thiab tsis muaj cov neeg ua hauj lwm hais tau ob hom lus nyob ntawd, ces lawv yuav tsis xav nrog ib tug neeg twg tham li. Yog li ntawd, kuv xav tias cov neeg hnov tias muaj kev ntseeg tau dua thaum hu rau kuv thiab tuaj ntsib kuv dua yuav mus rau lwm qhov chaw,” CherPao hais.

CherPao qhia tias pom nws cov neeg qhua muaj kev kaj siab thiab tsis muaj kev txhawj xeeb los sis kev tu siab lawm yog ib qho khoom plig zoo tshaj plaws hais txog kev ua ib tug CHW.

Ntau lub khoos kas CHW muaj kev nyuaj uas yuav tswj kev pab nyiaj kom mus lawm ncu ntevi thiab kev ruaj khov tau vim tias feem ntau lawv tau txais nyiaj pab los ntawm cov pob nyiaj pab. Qhov no ua rau kom paub zoo thiab ua kom muaj neeg tawm suab xws li CherPao yeej yog qhov tseem ceeb heev.

“Kuv zoo siab heev vim tias kuv tuaj yeem pab tau tib neeg. Lawv zoo siab, kuv los kuj zoo siab tshaj.”

Txhawm rau kawm paub ntau ntxiv hais txog cov kev cuam tshuam uas CHWs tab tom ua tau ib tug neeg sib txuas nyob rau hauv lawv lub zej zog uas muaj kev ntseeg siab tau, mus saib hauv txoj kab txuas no: www.dhs.wisconsin.gov/dph/community-health-workers.htm